

Odluka visokog predstavnika o Zakonu o sudovima Hercegovačko-neretvanskog kantona

U skladu sa svojim ovlaštenjima prema Aneksu 10. Općeg okvirnog mirovnog sporazuma za Bosnu i Hercegovinu i članu XI Zaključaka sa Konferencije za implementaciju mirovnog sporazuma održane u Bonu, 10. decembra 1997. g., ovim

ODLUČUJEM

da Zakon o sudovima Hercegovačko-neretvanskog kantona i Zakon o sudu za Centralnu zonu Grada Mostara, priloženi uz ovu Odluku kao njen sastavni dio, stupe na snagu 3. avgusta 1998.g. na privremenim osnovama. Ovi zakoni ostaju na snazi dok ih nadležni organi Hercegovačko-neretvanskog kantona ne usvoje u odgovarajućoj formi, bez amandmana i dodatnih uslova.

Sarajevo, 31. juli 1998. g.

Carlos Westendorp

Visoki predstavnik

ZAKON O SUDOVIMA

HERCEGOVACKO-NERETVANSKOG KANTONA

I - OPĆE ODREDBE

Član 1.

Sudovi Hercegovačko-neretvanskog kantona (u daljem tekstu: sudovi) su organi državne vlasti koji se osnivaju zakonom, a vrše sudsku funkciju u granicama svoje nadležnosti utvrđene Ustavom Federacije Bosne i Hercegovine, Ustavom Kantona i federalnim i kantonalnim zakonima.

Član 2.

Sudovi se osnivaju i ukidaju zakonom Kantona.

Član 3

Sudovi su u vršenju sudske funkcije nezavisni i sude na osnovu ustava i zakona.

Član 4.

Sudovi odlučuju u sporovima o osnovnim ličnim odnosima, pravima i obavezama građana i pravima i obavezama općina, kantona i Federacije Bosne i Hercegovine. Sudovi izriču kazne i druge mjere prema učiniocima krivičnih djela i drugih kažnjivih djela određenih zakonom, u upravnom sporu za koji nije određena nadležnost drugog suda, rješavaju sporove čije rješavanje nije povjereno drugom državnom organu, u statusno-privrednim sporovima, i rješavaju o drugim stvarima kad je to zakonom predviđeno.

Član 5.

Sudovi prate i proučavaju društvene odnose i pojave od interesa za ostvarivanje svojih funkcija i daju nadležnim državnim organima prijedloge za sprečavanje društveno opasnih i štetnih pojava u cilju jačanja zakonitosti.

Sudovi prate i proučavaju probleme sudske prakse koji su od interesa za pravilnu i jedinstvenu primjenu zakona.

Radi ostvarivanja funkcije iz prethodnih stavova, Kantonalni sud može tražiti od općinskih sudova potrebna obavještenja.

Član 6.

Sudovi imaju pravo i dužnost da u okviru ostvarivanja svojih funkcija putem nadležnog kantonalnog ministarstva, obavještavaju tijela zakonodavne, izvršne i sudske vlasti na njihov zahtjev ili po svojoj inicijativi o primjenjivanju zakona, potrebi donošenja, izmjene i dopune zakona.

Član 7.

Kad sud Kantona, u toku postupka koji se vodi pred sudom, smatra da odgovarajući zakon nije u skladu sa Ustavom Federacije Bosne i Hercegovine obustaviće postupak i predložiti Ustavnom суду Federacije Bosne i Hercegovine pokretanje postupka za ocjenjivanje ustavnosti tog zakona.

Član 8.

Sudovi pod uslovima predviđenim u zakonu pružaju pravnu pomoć građanima u ostvarivanju i zaštiti njihovih prava u stvarima iz sudske nadležnosti.

Član 9.

Rad sudova je javan.

Javnost rada osigurava se javnim raspravljanjem pred sudovima, objavljinjem sastava sudske vijeća, davanjem obavještenja u toku sudskega postupka zainteresovanim licima pod uslovima predviđenim zakonom javnim objavljinjem sudskega odluka i omogućavanjem javnosti da se putem sredstava javnog informiranja upozna sa radom sudova i objavljinjem važnijih sudskega odluka u sredstvima informiranja.

Sudovi mogu saglasno federalnom i kantonalnom zakonu, isključiti javnost i medije u raspravljanju pred sudom radi čuvanja tajne koja se tiče državne sigurnosti, zaštite morala, interesa maloljetnika ili radi zaštite drugih posebnih državnih interesa.

Član 10.

Sudovi sude u vijećima.

Sastav vijeća određuje se zakonom.

Zakonom se može odrediti da u određenim stvarima sudi sudija pojedinac.

Član 11.

Sudska vijeća sastavljena su od sudija i građana kao sudija porotnika.

Zakonom se može propisati da u određenim sudovima i određenim stvarima u suđenju učestvuju samo sudije.

Član 12.

Sudska funkcija je javna funkcija i sudije kao njeni nosioci podliježu svim oblicima imuniteta odgovornosti nosilaca javnih funkcija predviđenih ustavima i zakonima.

Član 13.

Sudovi osiguravaju jednak položaj svim stranama u sudske postupcima.

Član 14.

Predsjednik suda i drugi suci imenuju se i razrješavaju uz uslove i po postupku kojim se osigurava stručnost, nezavisnost i dostoјnost za obavljanje sudske dužnosti.

Sudija ne može vršiti službu ili posao koji su nespojivi sa sudske funkcijom, osim ako ovaj zakon ne predviđa

drugačije.

Član 15.

Sudija ili sudija porotnik ne može biti pozvan na odgovornost za mišljenje dato prilikom donošenja sudske odluke.

Sudija i sudija porotnik Kantonalnog suda ne može bez odobrenja Skupštine Kantona koja ga je izabrala biti pritvoren u postupku zbog krivičnog djela učinjenog u vršenju sudijske funkcije.

Sudija i sudija porotnik općinskog suda ne može bez odobrenja predsjednika Kantonalnog suda koji ga je imenovao biti pritvoren u postupku zbog krivičnog djela učinjenog u vršenju sudijske funkcije.

Član 16.

Vijeće Kantonalnog suda može ukazati općinskom суду na nedostatke u suđenju općinskog suda zapažene prilikom rješavanja žalbe sa općinskog suda.

Ako se ovi nedostaci često pojavljuju kod odluka određenog općinskog suda ili ako su od većeg značaja, Kantonalni sud će tom općinskom суду ukazati gdje su nedostaci i pokrenuti inicijativu iz člana 5. i 6. ovog zakona.

Pravna shvatanja izražena u primjedbi Kantonalnog suda nisu obavezna za općinske sudove.

Član 17.

Kantonalni sud može tražiti od općinskih sudova na svom području podatke koji su mu potrebni radi praćenja i proučavanja pojedinih pitanja koja se pojavljuju u ostvarivanju sudske funkcije.

Radi ostvarivanja funkcije iz prethodnog stava sudije Kantonalnog suda mogu pratiti i vršiti neposredan uvid u rad općinskih sudova na svom području.

Član 18.

Sudovi su dužni jedni drugim pružati pravnu pomoć.

Državni organi, organizacije, preduzeća i druge organizacije i zajednice dužni su pružati pomoć sudovima u vršenju službenih poslova.

Član 19.

O žalbi ili drugom pravnom sredstvu protiv sudske odluke može odlučiti samo nadležni sud.

Član 20.

Odluke sudova donesene u drugim kantonima Federacije Bosne i Hercegovine imaju važnost i izvršive su na teritoriji svih drugih kantona.

Član 21.

Odluke isprave i drugi pojedinačni akti izdati od državnih organa i ovlaštenih organizacija u svim kantonima Federacije Bosne i Hercegovine imaju pred sudovima svih kantona istu važnost.

Član 22.

U sudovima u službenoj upotrebi su bosanski i hrvatski jezik i latinično pismo.

Sudovi u vršenju sudske funkcije osiguravaju ravnopravnu upotrebu službenih jezika Federacije Bosne i Hercegovine, a kao sredstvo komunikacije mogu koristiti i ostale jezike.

Kad sud odlučuje u prvom stepenu, ovjeren prepis odluke dostavlja se ovlaštenom organu ili stranci na službenom jeziku na kome je odluka donesena, s tim da se stranci odluka može dostaviti i na drugom jeziku na kome je svojim

podneskom stranka pokrenula postupak, odnosno dala odgovor u vezi sa pokretanjem postupka ili se u toku postupka služila drugim jezikom.

Ovjerjen prepis odluke koju je sud donio u postupku po redovnom ili vanrednom pravnom lijeku dostavlja se суду, односно другом organu čija je odluka razmatrana na službenom jeziku na kome je odluka, koja je razmatrana, donešena, a prepis odluke namijenjen stranci, односно другом učesniku u postupku – на том službenom jeziku, a može se dostaviti i na drugom jeziku kojim se u postupku služilo.

Tužbe žalbe i drugi podnesci mogu se sudovima upućivati i na jeziku koji nije u službenoj upotrebi u суду.

Odredbe stava 3. i 4. ovog člana shodno se primjenjuju i prilikom dostavljanja poziva i drugih sudske pismene strankama i drugim učesnicima u postupku.

Član 23.

Unutrašnja organizacija u kantonalnom i općinskom суду utvrđuje se pravilnikom o unutrašnjoj organizaciji navedenog суда.

Pravilnik iz stava 1. ovog člana donosi predsjednik Kantonalnog odnosno općinskog суда, по prethodno prijavljenoj saglasnosti Ministarstva pravosuđa i uprave kantona.

Član 24.

Propisi o radnim odnosima radnika u organima uprave pravično i jednako se primjenjuju i na radnike Kantonalnog i općinskih sudova, ako ovim zakonom nije drugačije određeno.

Odredbe o odgovornosti zbog povrede radne dužnosti, utvrđene pravilnikom o unutrašnjoj organizaciji суда, ne primjenjuju se na sudije.

Član 25.

Za vrijeme vršenja službe sudija nosi posebnu odoru.

Ministarstvo pravosuđa i uprave Kantona propisat će pravilnikom izgled i uslove pod kojima se nosi odora.

Član 26.

Sudijama u općinskom i kantonalnom суду izdaje se službena legitimacija.

Ministarstvo pravosuđa i uprave Kantona posebnim pravilnikom propisuje obrasce način izdavanja službene legitimacije.

Odredbe ovog zakona o sudijama odnose se i na predsjednika суда ukoliko ovim zakonom nije drugačije određeno.

II - ORGANIZACIJA SUDOVA

Član 27.

Sudovi Kantona obuhvataju općinske sudove i Kantonalni суд.

Imajući u vidu specifičnosti Grada Mostara, posebnim zakonom će se osnovati Sud za Centralnu zonu Grada Mostara.

Organizacija i postupak pred sudovima za prekršaje propisaće se posebnim zakonom.

Član 28.

Općinski суд se osniva za područje jedne općine.

Za dvije ili više općina može se osnovati jedan općinski суд.

Član 29.

Kantonalni sud se osniva za područje Kantona i nadležan je za cijelu teritoriju Kantona.

Član 30.

Sudovi imaju pečat u skladu sa Zakonom o pečatu Hercegovačko-neretvanskog kantona.

Na zgradi u kojoj je smješten sud, mora biti istaknut naziv suda i grb Hercegovačko-neretvanskog kantona.

Član 31.

Općinski sudovi mogu izuzetno, u okviru teritorija za koji su mjesno nadležni, obavljati sudske vlasti izvan sjedišta suda.

Općinski sudovi mogu pružati pravnu pomoć građanima, vršiti poslove ovjere potpisa, održavati glavne pretrese i rasprave, kao i ročišta u vanparničnim stvarima i na sudske danime van sjedišta suda.

Odluka o održavanju sudske dana sadrži podatke o mjestu, području i vremenu održavanja sudske dana, a objavljuje se u službenom glasilu kantona i na drugi pogodan način.

III - NADLEŽNOST SUDOVA

Član 32.

Općinski sudovi su nadležni u krivičnim predmetima :

- a) da sude u prvom stepenu za krivična djela za koja je zakonom predviđena kao glavna kazna novčana kazna ili kazna zatvora do petnaest godina,
- b) da sude u prvom stepenu u krivičnim postupcima protiv maloljetnika,
- c) da sprovode istragu i druge radnje za krivična djela iz svoje nadležnosti, rješavaju po žalbama protiv rješenja istražnog sudije i njegovim prijedlozima,
- d) za izvršenje krivičnih sankcija i mjera sigurnosti,
- e) da odlučuju o molbama osuđenih lica za brisanje osude na osnovu sudske odluke i o molbama osuđenih lica za prestanak mjera sigurnosti, odnosno za prestanak pravnih posljedica presude, a u vezi sa sudske odlukama koje je donio općinski sud u prvom stepenu,
- f) da obavljaju i druge poslove određene zakonom.

Odluku iz tačke d) prethodnog stava donosi općinski sud na čijem području okrivljeni ima prebivalište.

Općinski sudovi su nadležni u građanskim predmetima da:

sude u građansko-pravnim sporovima, ako za pojedine vrste sporova nije zakonom propisana nadležnost drugog suda, kao i u porodično-pravnim i radnim sporovima.

U ostalim predmetima općinski sudovi:

- a) sude u privrednim sporovima;
- b) sude u sporovima koji se odnose na brodove i na plovidbu na moru i unutrašnjim vodama, kao i u sporovima na koje se primjenjuje plovidbeno pravo;
- c) sude za privredne prestupe;
- d) rješavaju vanparnične predmete i određuju i provode izvršenje i sigurnost ako rješavanje tih predmeta nije povjereni drugom sudu;

- e) rješavanju ostavinske predmete;
- f) rješavaju zemljišno-knjižne predmete i vode zemljišne knjige;
- g) obavljuju poslove pravne pomoći;
- h) vrše poslove međunarodne pravne pomoći ako zakonom nije određeno da neke od tih poslova vrši Kantonalni sud;
- i) pružaju pravnu pomoć sudovima Federacije i Kantona;
- j) obavljuju i druge poslove određene zakonom.

Član 33.

Općinski sud u vijeću od jednog sudije i dvojice sudija porotnika rješava o sporovima o postojanju, nepostojanju, poništenju i razvodu braka, o zakonskom i doživotnom izdržavanju, o povjerenu djece na zaštitu i vaspitanje i o otkazu o korištenju stana i poslovnih prostorija.

U posebnim sudskim postupcima iz oblasti u kojima društvene odnose uređuje Federacija Bosne i Hercegovine, postupak sprovodi i odluke donosi sudija pojedinac, ako posebnim zakonom nije drugačije određeno.

Član 34.

Molba za brisanje osude na osnovu sudske odluke i molba za prestanak mjere sigurnosti odnosno pravne posljedice osude, podnose se općinskom sudu koji je sudio u prvom stepenu.

Član 35.

Kantonalni sud je nadležan da:

1. odlučuje o žalbama protiv odluka općinskih sudova donesenih u prvom stepenu;
2. rješava o sukobu nadležnosti između općinskih sudova Kantona;
3. odlučuje o prenosu mjesne nadležnosti s jednog općinskog suda na drugi općinski sud;
4. odlučuje da u slučajevima određenim zakonom, a koji su iz nadležnosti dva ili više sudova, postupak vodi jedan od tih sudova;
5. sudi za krivična djela za koja je zakonom predviđena kazna zatvora preko petnaest godina ili teža kazna;
6. sprovodi istragu i druge radnje za krivična djela iz svoje nadležnosti, rješava po žalbama protiv rješenja istražnog sudije i njegovim prijedlozima;
7. odlučuje o tužbama protiv konačnih upravnih akata;
8. odlučuje o drugim redovnim i vanrednim pravnim lijekovima u skladu sa zakonom;
9. sudi u sporovima iz autorskog prava, kao i sporovima koji se odnose na zaštitu ili upotrebu i zaštitu pronalazaka, uzoraka, modela ili žigova, o pravu na upotrebu i zaštitu firme, kao i sporove iz nelojalne konkurenčije i monopolističkih sporazuma;
10. rješavaju sporove koji nastanu u toku ili povodom izvršenja odluka koje je donio Kantonalni sud;
11. sudi u sporovima koji nastanu u toku i povodom sproveđenja postupka prinudnog poravnjanja, stečaja i redovne likvidacije preduzeća;
12. sprovodi postupak prinudnog poravnjanja, stečaja i redovne likvidacije;
13. vodi registre u skladu sa posebnim propisima;
14. sprovodi postupak u vezi sa molbama za pružanje međunarodne krivično-pravne pomoći za izručivanje okrivljenih ili osuđenih stranaca;
15. rješava o priznavanju i izvršenju odluka stranih sudova;
16. odlučuje o molbama osuđenih lica za brisanje osude na osnovu sudske odluke i o molbama osuđenih lica za prestanak pravnih posljedica presude, a u vezi sa sudskim odlukama koje je donio Kantonalni sud u prvom stepenu;

17. obavlja i druge poslove određene zakonom.

Član 36.

Svaka strana u žalbenom postupku, u kome je Kantonalni sud izrekao presudu bez prava na žalbu, može iz bilo kojeg razloga, osim zbog isteka roka za koji je odgovorna strana koja je pokrenula postupak, podnijeti žalbu na presudu Sudu za ljudska prava na osnovu bilo kojeg pitanja iz okvira njegove nadležnosti.

Kantonalni sud, na zahtjev bilo koje od strana u žalbenom postupku pred njim, ili na vlastitu inicijativu u odnosu na takvu žalbu, može se obratiti Sudu za ljudska prava s pitanjem koje je proizšlo iz žalbe, ako je to pitanje u vezi sa bilo čime iz nadležnosti tog suda.

Član 37.

Kantonalni sud će po hitnom postupku odlučiti da li je poštovan postupak za određivanje nekog pitanja kao vitalnog interesa i da li se radi o pitanju koje je od vitalnog interesa za neki od naroda.

Navedenu odluku Kantonalni sud je dužan donijeti u roku od 7 (sedam) dana.

Povodom odluke Kantonalnog suda, guverner, zamjenik guvernera, predsjednik Vlade, zamjenik predsjednika Vlade ili jedna trećina poslanika u Skupštini, može pokrenuti postupak pred Ustavnim sudom Federacije.

IV - SJEDIŠTE I PODRUČJE SUDOVA

Član 38.

Općinski sudovi su:

- Općinski sud Mostar – Stari Grad, za područje Općine Stari Grad
- Općinski sud Mostar – Sjever, za područje Općine Sjever
- Općinski sud Mostar – Jugoistok, za područje Općine Jugoistok
- Općinski sud Mostar – Zapad, za područje Općine Zapad
- Općinski sud Mostar – Jugozapad, za područje Općine Jugozapad
- Općinski sud Mostar – Jug, za područje Općine Jug
- Općinski sud Konjic, za područje Općine Konjic
- Općinski sud Jablanica, za područje Općine Jablanica
- Općinski sud Prozor-Rama, za područje Općine Prozor-Rama
- Općinski sud Čitluk, za područje Općine Čitluk
- Općinski sud Čapljina, za područje Općine Čapljina
- Općinski sud Stolac, za područje Općine Stolac
- Općinski sud Neum, za područje Općine Neum i Ravno.

Član 39.

Sjedište kantonalnog suda je u Mostaru.

Kantonalni sud obuhvata područja općinskih sudova koji djeluju na području Kantona, a osnovani su ovim zakonom.

V - UNUTRAŠNJA ORGANIZACIJA

Član 40.

Unutrašnju organizaciju u sudovima, osim broja sudija, utvrđuje predsjednik suda.

Na akta sudova iz prethodnog stava saglasnost daje Ministarstvo pravosuđa Kantona.

Član 41.

Poslovi kojima se obezbjeđuju uslovi za pravilan rad i poslovanje suda obavljaju se u okviru sudske uprave.

Poslove sudske uprave u okviru ovlaštenja, dath propisima, vrši predsjednik suda.

Član 42.

Poslovi sudske uprave obuhvataju obezbjeđenje uslova za pravilan rad i poslovanje suda, a naročito:

- organizovanje unutrašnjeg poslovanja u sudu,
- staranje da se poslovi u sudu vrše uredno i na vrijeme,
- stručne poslove u vezi sa ostvarivanjem prava i dužnosti radnika iz radnog odnosa,
- organiziranje stručnog obrazovanja sudija, stručnih savjetnika, pripravnika i ostalih radnika suda,
- vođenje statistike i izvještajne službe suda,
- poslove pozivanja i rasporedjivanja sudija porotnika,
- poslove u vezi sa stalnim sudskim tumačima i vještacima,
- poslove izvršenja krivičnih sankcija,
- materijalno-finansijsko poslovanje suda,
- postupanje nad pritvorenicima,
- poslove ovjera isprava namjenjenih za upotrebu u inostranstvu,
- poslove u vezi sa pritužbama stranaka na rad suda,
- druge poslove propisane zakonom i pravilnikom o unutrašnjem poslovanju.

Općinski sudovi i Kantonalni sud su dužni polugodišnje i godišnje izvještaje o svom radu dostavljati Ministarstvu pravosuđa i uprave Kantona, a općinski sudovi su ih dužni dostaviti i Kantonalnom sudu.

Izvještaj o radu sudova Ministarstvo pravosuđa i uprave podnosi Kantonalnoj skupštini najmanje jedanput godišnje.

Član 43.

Predsjednik suda predstavlja sud prema drugim organima i organizacijama.

Član 44.

Predsjednik suda je naredbodavac za izvršenje finansijskog plana i budžeta sredstava suda.

Član 45.

Predsjednik suda utvrđuje raspored poslova i obezbjeđuje njegovo izvršenje.

Rasporedom poslova obavezno se određuju sudije za maloljetnike, a u Kantonalnim sudovima drugostepeno vijeće za maloljetnike.

Član 46.

Predsjednik suda ima zamjenika koji ga zamjenjuje u njegovoj odsutnosti ili spriječenosti i koji mu prema potrebi pomaže u vršenju pojedinih poslova sudske uprave.

Član 47.

U sudovima u kojima ima dva ili više vijeća odnosno sudija pojedinaca, koji odlučuju u stvarima iz iste pravne oblasti, obrazuju se sudska odjeljenja u čiji sastav ulaze sudije koji odlučuju u stvarima iz iste pravne oblasti.

Član 48.

U sjednicama sudskega odjeljenja razmatraju se pitanja od interesa za rad odjeljenja, a naročito: organizovanje unutrašnjeg poslovanja odjeljenja; i druga pitanja odjeljenja; unapređenja metoda rada odjeljenja i stručno uzdizanje sudija, stručnih savjetnika i pripravnika diplomiranih pravnika.

Član 49.

Sjednica sudskog odjeljenja se saziva i kad se utvrdi da o pitanjima primjene zakona postoji nesaglasnost u shvatanjima između pojedinih vijeća ili pojedinih sudija ili kad jedno vijeće odstupi od pravnog shvatanja usvojenog u svojoj praksi ili od pravnog shvatanja koja su usvojila sva vijeća.

Sjednica sudskog odjeljenja utvrđuje pravna shvatanja odjeljenja većinom glasova svih sudijskih odjeljenja.

Pravno shvatanje usvojeno na sjednici sudskog odjeljenja obavezno je za sva vijeća koja su u sastavu odjeljenja.

Ako je u konkretnom slučaju vijeće drugostepenog suda već donijelo odluku koja nije u saglasnosti sa pravnim shvatanjima nekog drugog vijeća, predsjednik odjeljenja ili predsjednik suda može odrediti da se zastane sa slanjem prepisa odluke i da se pitanje nesaglasnosti raspravi na sjednici sudskog odjeljenja.

Ako u takvom slučaju sjednica sudskog odjeljenja zauzme stav protivan donesenog odluci, vijeće koje je donijelo odluku dužno je da o predmetu ponovo rješava.

Član 50.

Sudskim odjeljenjem rukovodi predsjednik odjeljenja, koji se određuje rasporedom poslova.

Sjednicu sudskog odjeljenja saziva i njenim radom rukovodi predsjednik odjeljenja.

Kad učestvuje u radu sjednice, predsjednik suda joj predsjedava i ima pravo glasa.

Član 51.

U sudovima se održavaju sjednice svih sudijskih odjeljenja na kojima se razmatraju pitanja od interesa za rad suda, kao i pitanja koja su značajna za društvene odnose i pojave koje je sud pratilo i proučavao i na probleme sudske prakse, pripremaju izvještaje i obavještenja za nadležne organe i daje mišljenje predsjedniku suda za raspored sudske poslove.

Predsjednik suda može na sjednici svih sudijskih odjeljenja pozivati i sudije porotnike kada se razmatraju pitanja koja se odnose na društvene odnose i pojave, izvještaje i obavještenja za nadležne skupštine i druge organe i organizacije, kao i druga slična pitanja.

Član 52.

Sjednica svih sudijskih odjeljenja razmatra pitanja iz člana 50. i 51. ovog zakona u sudovima, koji nemaju uslove da obrazuju sudska odjeljenja.

Član 53.

Sjednicu svih sudijskih odjeljenja saziva i njenim radom rukovodi predsjednik suda.

VI - PRAVOSUDNA UPRAVA

Član 54.

Ovlaštenja u vezi sa organizovanjem rada u sudovima i nadzor nad vršenjem sudske uprave vrši Ministarstvo pravosuđa Kantona, osim ako zakonom nije drugačije regulirano.

Nadzor nad poslovima sudova obuhvata naročito pitanja:

- da li se poslovi vrše uredno i na vrijeme;
- da li se poslovi sudske uprave obavljaju u saglasnosti sa zakonom i drugim propisima;
- ispitivanje pritužbi građana, državnih organa, preduzeća i drugih organizacija i zajednica.

Član 55.

Ministarstvo pravosuđa i uprave Kantona:

- osigurava sprovođenje zakona i drugih propisa i mjera koje se odnose na organizaciju i rad

- sudova,
- prati, analizira organizaciju, metode rada i funkcionisanje sudova i poduzima mjere za unapređenje njihove organizacije i poslovanja,
 - prati, analizira i vodi evidenciju kadrova u sudovima i brine se o njihovom stručnom usavršavanju,
 - brine se za osiguranje materijalnih i drugih uslova za rad sudova,
 - daje sudovima naloge i upute za pravilno obavljanje poslova sudske uprave,
 - preduzima mjere za uredno i pravovremeno obavljanje poslova sudova u skladu sa zakonom i drugim propisima,
 - ispituje neposredno ili preko predsjednika kantonalnih sudova pritužbe na rad sudova zbog nepostupanja, odgovlačenja sudskog postupanja ili drugih razloga,
 - daje upute za prikupljanje statističkih i drugih podataka o radu sudova,
 - organizira informacionu mrežu za potrebe sudova,
 - vrši i druge poslove predviđene zakonom.

Ministarstvo pravosuđa i uprave Kantona može tražiti od sudova podatke i izvještaje koji su mu potrebni radi vršenja poslova iz svog djelokruga, te obavljati i neposredan uvid u rad sudova.

Član 56.

Ministar pravosuđa i uprave u saglasnosti sa zamjenikom:

- propisuje organizaciju i način unutrašnjeg poslovanja u sudovima;
- utvrđuje broj sudaca i sudaca porotnika u pojedinim sudovima;
- utvrđuje orientaciona mjerila o potrebnom broju ostalih radnika;
- vrši druge poslove predviđene zakonom.

Propisi iz alineje 1. i 3. prethodnog stava donose se po prethodno pribavljenom mišljenju sudova.

Član 57.

Kad se ustanovi da se poslovi sudske uprave u sudu ne vrše u skladu sa propisima ili da se ne vrše blagovremeno, uslijed čega je otežano izvršavanje funkcija suda, Ministarstvo pravosuđa i uprave Kantona upozoriće predsjednika suda i dati uputstva za izvršenje odgovarajućih poslova i otklanjanje propusta.

Ako se i pored toga upozorenja propusti ne otklone, Ministarstvo pravosuđa i uprave Kantona će o tome obavijestiti nadležnu skupštinu i predložiti preduzimanje određenih mjera.

Član 58.

Ministarstvo pravosuđa i uprave Kantona sprovodi postupak i odlučuje povodom vansudskog zahtjeva oštećenog za naknadu štete, rehabilitaciju i ostvarivanje drugih prava lica neopravdano osuđenih i neosnovano lišenih slobode.

Na odluku Ministarstva u vezi zahtjeva iz stava 1 ovog člana, Vlada Kantona daje saglasnost u roku od 30 dana.

Član 59.

Propisom donesenim na osnovu ovlaštenja iz člana 57. stav 1.ovog zakona (pravosudna uprava) uređuje se naročito:

- rad sudske uprave,
- način vođenja evidencije i sudske statistike,
- rad stalnih sudskih vještaka,
- pružanje pravne pomoći građanima i održavanje sudskih dana,
- informisanje javnosti o radu sudova,
- evidencija, pozivanje i raspoređivanje sudija porotnika,
- evidencija vršenja pripravnice prakse u sudovima,

- načela unutrašnje organizacije poslovanja suda,
- način organizovanja i poslovanja sudskega odjeljenja,
- vrsta, sadržaj i način voženja upisnika i pomoćnih knjiga,
- obrasci za rad sudova,
- postupanje sa sudske spisima,
- rad u vijećima,
- poslovanje na sjednicama sudskega odjeljenja,
- rad na sjednicama svih sudija,
- materijalno i finansijsko poslovanje (poslovi depozita),
- način vršenja poslova međunarodne pravne pomoći.

VII - SUDIJE I SUDIJE POROTNICI

Član 60.

Sudije Kantonalnog suda predlaže guverner uz saglasnost zamjenika guvernera, a bira ih većinom glasova Skupština Kantona.

Nacionalni sastav sudija u cjelini mora odražavati nacionalnu strukturu stanovništva Kantona prema popisu stanovništva iz 1991. godine.

Član 61.

Za sudiju Kantonalnog suda može biti izabran državljanin Bosne i Hercegovine koji ima završen pravni fakultet i položen pravosudni ispit i koji je radio najmanje 5 (pet) godina kao sudija, tužilac ili njegov zamjenik, pravobranilac ili njegov zamjenik ili advokat i koji je radeći u navedenim pravosudnim organima ili advokatskoj kancelariji stekao ugled pravnog stručnjaka i koji posjeduje najviše moralne osobine za obavljanje službe sudije Kantonalnog suda.

Član 62.

Kantonalni sud iz reda sudija Kantonalnog suda bira i razrješava predsjednika Kantonalnog suda dvotrećinskom većinom glasova svih sudija.

Predsjednik Kantonalnog suda bira se na 4 (četiri) godine, s tim da nakon isteka četiri godine za predsjednika Kantonalnog suda se bira sudac koji pripada drugom narodu.

Predsjednik Kantonalnog suda i Kantonalni tužilac ne mogu istovremeno biti iz istog naroda.

Član 63.

Inicijativu za izbor sudije Kantonalnog suda može podnijeti Ministarstvo pravosuđa i uprave kantona, predsjednik Kantonalnog suda ili 10 (deset) poslanika Skupštine Kantona.

Član 64.

Prije stupanja na dužnost predsjednik i sudije Kantonalnog suda daju svečanu zakletvu.

Svečana zakletva glasi:

"Svečano se zaklinjem da će se u vršenju službe sudije Kantonalnog suda Hercegovačko-neretvanskog kantona pridržavati ustava i zakona te da će službu sudije vršiti savjesno i nepristrasno."

Predsjednik suda i sudije kantonalnog suda svečanu zakletvu daju pred Skupštinom Kantona.

Član 65.

Sudija Kantonalnog suda bit će u službi do dobi od 70 godina, ukoliko ne podnese ostavku ili ne bude smijenjen od vršenja službe, konsenzusom sudija Vrhovnog suda Federacije.

Član 66.

Za sudiju porotnika Kantonalnog suda može biti izabran državljanin Bosne i Hercegovine koji je punoljetan i koji posjeduje najviše moralne osobine za obavljanje službe sudije porotnika Kantonalnog suda.

Sudije porotnike Kantonalnog suda predlaže predsjednik Kantonalnog suda, a bira ih većinom glasova Skupština kantona.

Sudije porotnici Kantonalnog suda biraju se na 4 (četiri) godine i po isteku tog roka mogu biti ponovno izabrani.

Član 67.

Prije stupanja na službu sudija porotnik daje svečanu izjavu.

Svečana izjava glasi:

“Svečano izjavljujem da će se u vršenju službe porotnika Kantonalnog suda, pridržavati ustava i zakona i da će službu sudije porotnika vršiti savjesno i nepristrasno”.

Sudije porotnici svečanu izjavu daju pred predsjednikom i zamjenikom predsjednika Skupštine Kantona.

Član 68.

Kad je protiv sudije porotnika pokrenut krivični postupak ili pokrenut postupak za njegovo smjenjivanje od službe, predsjednik Kantonalnog suda neće pozivati sudiju porotnika da vrši službu dok se ovi postupci pravomoćno ne dovrše.

Član 69.

Sudijama porotnicima za vršenje službe pripada naknada nastalih troškova, naknada za neostvarenu plaću ili zaradu i nagrada.

Uslove, visinu naknade i nagrade iz stava 1. ovog člana određuje Ministarstvo pravosuđa i uprave Kantona.

Član 70.

Odredbe ovog zakona koje se odnose na broj i nacionalnu strukturu sudija Kantonalnog suda shodno se primjenjuju i na sudije porotnike.

Član 71.

Za sudiju općinskog suda može biti izabran državljanin Bosne i Hercegovine koji je diplomirani pravnik i ima položen pravosudni ispit i koji je proveo na radu na pravnim poslovima najmanje 2 (dvije) godine i koji posjeduje stručnu sposobnost i moralne osobine za obavljanje službe sudije općinskog suda.

Član 72.

Inicijativu za izbor sudije općinskog suda može dati Ministarstvo pravosuđa uprave Kantona ili predsjednik općinskog suda

Član 73.

Sudije općinskog suda bit će u službi do dobi od 70 godina, ukoliko ne podnese ostavku ili ne bude smijenjen od vršenja službe konsenzusom sudija Kantonalnog suda.

Član 74.

Sudije općinskog suda imenuje predsjednik Kantonalnog suda nakon konsultacija sa općinskim načelnikom.

Ukoliko mjesno područje općinskog suda obuhvata dvije ili više općina, sudije takvog općinskog suda imenuje predsjednik Kantonalnog suda nakon konsultacija sa općinskim načelnicima tih općina.

Nacionalna struktura svakog općinskog suda u Hercegovačko-neretvanskom kantonu u cjelini odražava nacionalnu strukturu stanovništva općine ili općina za koje je osnovan općinski sud, prema popisu stanovništva iz 1991. godine.

Član 75.

Prije stupanja na dužnost predsjednik i sudije općinskog suda daju svečanu zakletvu.

Svečana zakletva glasi:

"Svečano se zaklinjem da će se u vršenju službe sudije općinskog suda Hercegovačko- neretvanskog kantona pridržavati ustava i zakona, te da će službu sudije vršiti savjesno i nepristrasno."

Predsjednik suda i sudije općinskog suda svečanu zakletvu daju pred predsjednikom Kantonalnog suda.

Član 76.

Općinski sud iz reda sudija općinskog suda bira i razrješava predsjednika općinskog suda dvotrećinskom većinom glasova svih sudija.

Član 77.

Za sudiju porotnika općinskog suda može biti izabran državljanin Bosne i Hercegovine koji je punoljetan i koji posjeduje najviše moralne osobine za obavljanje službe sudije porotnika općinskog suda.

Sudije porotnike općinskog suda predlaže predsjednik općinskog suda, a imenuje ih predsjednik Kantonalnog suda.

Ako je općinski sud osnovan za područje dvije ili više općina sudije porotnike predlaže predsjednik općinskog suda uz konsultacije sa općinskim načelnicima.

Član 78.

Sudije porotnici općinskih sudova biraju se na 4 (četiri) godine i po isteku tog roka mogu biti ponovo izabrani.

Prije stupanja na službu sudija porotnik daje svečanu izjavu shodno članu 67. ovog zakona.

Sudije porotnici općinskog suda svečanu izjavu daju pred predsjednikom Kantonalnog suda.

Član 79.

Imenovanje sudija obavlja se na osnovu javnog konkursa objavljenog u sredstvima javnog informisanja koja su dostupna svim građanima Bosne i Hercegovine.

Javni konkurs objavljuje Ministarstvo pravosuđa i uprave na osnovu pokrenute inicijative za imenovanje sudije i podataka iz evidencije o slobodnom mjestu sudije.

Javni konkurs iz stava 1. ovog člana sadrži naziv suda, broj sudija koji će se birati, zakonske uslove koje kandidat za sudiju treba ispunjavati, rok za podnošenje prijava, dokaze i podatke koje uz prijavu treba podnijeti i naziv organa kome se prijava podnosi te obavezu o vraćanju dokumentacije kandidatu koji nije imenovan.

Član 80.

Kandidat podnosi prijavu za imenovanje Ministarstvu neposredno ili preporučeno putem pošte.

Rok za podnošenje prijave ne može biti kraći od 15 dana od dana objave konkursa.

Uz prijavu za imenovanje kandidat prilaže dokaze o ispunjavanju zakonskih uslova za sudiju i podatke o dosadašnjem radu.

Prijave kandidata sa dokazima i podacima obrađuje Ministarstvo, koje utvrđuje listu kandidata abecednim redom i sa svojim mišljenjem o stručnim sposobnostima kandidata dostavlja guverneru i zamjeniku guvernera, odnosno

predsjedniku Kantonalnog suda na dalju proceduru.

Prilikom obrade prijava Ministarstvo će tražiti mišljenje kolegija sudija odgovarajućeg suda.

Prijave kandidata koje ne sadrže podatke i dokaze iz stava 3. ovog člana neće se uzimati u razmatranje .

Član 81.

Odluku o imenovanju predsjednik Skupštine Kantona, odnosno predsjednik Kantonalnog suda dostavlja imenovanom kandidatu i sudu u koji je kandidat imenovan.

Odluka o imenovanju objavljuje se u službenom glasilu Kantona.

Član 82.

Sudiji i sudiji porotniku služba prestaje smjenjivanjem od vršenja službe, podnošenjem ostavke na vršenje službe ili navršavanjem 70 godina života.

Član 83.

Sudija Kantonalnog i općinskog suda biće smjenjen od vršenja službe ako bude osuđen za krivično djelo koje ga čini nedostojnim za vršenje službe sudije, ako se utvrdi da je izvršio težu povredu službe, odnosno ugleda službe sudije, ako se utvrdi da nije stručno sposoban za vršenje službe sudije ili da kroz duže vrijeme neuredno obavlja službu sudije, odnosno da kroz duže vrijeme ne postiže zadovoljavajuće rezultate u radu ili ako se na osnovu mišljenja zdravstvene ustanove utvrdi da je trajno izgubio sposobnost za vršenje službe sudije.

Član 84.

Inicijativu za pokretanje postupka za smjenjivanje sudije Kantonalnog suda od vršenja službe može podnijeti guverner, zamjenik guvernera, Vlada Kantona, Ministarstvo pravosuđa i uprave Kantona ili 10 (deset) poslanika Skupštine Kantona.

Inicijativu za pokretanje postupka za smjenjivanje sudije općinskog suda od vršenja službe može podnijeti Ministarstvo pravosuđa i uprave Kantona, predsjednik Kantonalnog suda ili deset (10) poslanika općinskog vijeća za čije područje je osnovan općinski sud.

Nakon sprovedenog postupka po podnešenoj inicijativi guverner i zamjenik guvernera zauzimaju zajednički stav i podnose usaglašen prijedlog Skupštini Kantona.

Prijedlog za razrješenje sudije općinskog suda daje predsjednik Kantonalnog suda na osnovu rezultata provedenog postupka po podnešenoj inicijativi.

Član 85.

Sudija Kantonalnog suda može biti smijenjen konsenzusom sudija Vrhovnog suda Federacije.

Sudije općinskog suda mogu biti smjenjene konsenzusom sudija Kantonalnog suda.

Član 86.

Odluku o udaljenju sudije od vršenja službe donose ostale sudije Kantonalnog suda ili općinskog suda na općoj sjednici svih sudija tog suda i to većinom glasova.

U odlučivanju o udaljenju od vršenja službe ne učestvuje sudija o čijem se udaljenju raspravlja.

Član 87.

Odluku o smjenjivanju ili razrješenju sudija porotnika sudova Kantona donosi Skupština kantona.

Član 88.

U postupku smjenjivanja sudija odnosno sudija porotnik će imati pravo da se izjasni o razlozima smjenjivanja.

Član 89.

Sudija Kantonalnog suda odnosno općinskog suda bit će udaljen od vršenja službe ako je protiv njega određen pritvor zbog krivičnog djela.

Sudija može biti udaljen od vršenja službe ako je protiv njega pokrenut krivični postupak ili postupak za smjenjivanje od vršenja službe.

Član 90.

Odredbe o smjenjivanju sudije od vršenja službe shodno se primjenjuju i na smjenjivanje sudija porotnika od vršenja službe.

Član 91.

Sudija ili sudija porotnik Kantonalnog suda podnosi ostavku na vršenje službe Skupštini Kantona.

Sudija ili sudija porotnik općinskog suda podnosi ostavku na vršenje službe predsjedniku Kantonalnog suda.

Sudiji odnosno sudiji porotniku prestaje vršenje službe sljedećeg dana od dana kada je ostavka primljena osim ako je pokrenut postupak za razrješenje.

Član 92.

Sudija je dužan savjesno, odgovorno i zakonito vršiti službu sudije i čuvati svoj ugled i ugled suda u koji je imenovan.

Sudija ne smije pripadati nijednoj političkoj stranci niti učestvovati u aktivnostima političke partije.

Sudija Kantonalnog suda ne može biti poslanik u Skupštini Kantona.

Sudija u vršenju službe se ne može rukovoditi svojim političkim ubjednjima niti ih u vršenju službe može izražavati i zastupati.

Bračni drugovi, srodnici u pravoj liniji odnosno u pobočnoj liniji do drugog stepena, ne mogu vršiti službu sudije u istom Kantonalnom odnosno istom općinskom sudu.

Član 93.

Sudija ne može obavljati službu ili posao koji bi mogao uticati na njegovu samostalnost ili nezavisnost ili bi umanjivao njegov društveni ugled ili koji je inače nespojiv sa vršenjem službe sudije.

O nespojivosti službe ili posla sa službom sudije odlučuje Ministarstvo pravosuđa i uprave Kantona.

Posebnim pravilnikom utvrdit će se koja služba, odnosno posao nije spojiva sa službom sudije u skladu sa odredbama stava 1. i 2. ovog člana, koji će donijeti Ministarstvo pravosuđa i uprave u roku od šest mjeseci od dana stupanja na snagu ovog zakona.

Sudije su ovlašteni pisati stručne i znanstvene radove, objavljivati sadržaje sudskih odluka, sudjelovati u radu stručnih i znanstvenih skupova, u pripremi nacrtta propisa i drugim sličnim aktivnostima.

Član 94.

Ako sudija bude imenovan za ministra pravosuđa i uprave ili za zamjenika ministra pravosuda i uprave ili za drugog dužnosnika u Ministarstvu pravosuđa i uprave, sudijska dužnost mu miruje dok vrši dužnost na koju je imenovan u izvršnoj vlasti.

Sudija uz svoj pristanak može biti raspoređen i na druge poslove u Ministarstvu pravosuđa i uprave, ali ne duže od dvije godine, na koje vrijeme mu sudijska dužnost miruje.

Član 95.

Sudija obavlja sudsiju dužnost u sudu u koji je imenovan.

Sudija općinskog suda može privremeno, a najduže do tri mjeseca bez svog pristanka biti upućen na rad u drugi općinski sud.

Sudija općinskog suda može uz svoj pristanak biti upućen na rad u drugi općinski sud i na duže vrijeme ili trajno premješten.

Rješenje o upućivanju na rad u smislu stava 2. i 3. ovog člana donosi Ministarstvo pravosuđa i uprave nakon konsultacija sa predsjednikom suda.

Član 96.

Sudija za vrijeme službe ima pravo na platu i druge naknade utvrđene kantonalnim zakonom.

Sudija ima pravo na penzionicu, invalidsko i zdravstveno osiguranje i prava koja iz tog proizilaze po općim propisima, pravo na odmore i dopuste koje imaju radnici u sudu i godišnji odmor u skladu sa zakonom, pravo na materijalne troškove pod uslovima predviđenim zakonom i drugim propisima, kao i pravo na stručno usavršavanje i specijalizaciju u okviru sredstava osiguranih za tu namjenu.

Član 97.

Kanton odgovara za štetu koju u vršenju službe nanese sudija građanima ili pravnoj osobi svojim nepravilnim ili nezakonitim radom.

Kanton može od sudije zahtijevati naknadu isplaćene svote samo kad je sudija štetu učinio namjerno ili iz krajne nepažnje.

Zahtjev za naknadu iz stava 2. ovog člana zastarjeva u roku od 6 (šest) mjeseci od dana isplaćene naknade.

VIII - RADNICI SUDA

Član 98.

Sud s više od pet sudija mora imati sekretara.

Sekretar suda pomaže predsjedniku suda u obavljanju poslova sudske uprave.

Za sekretara Kantonalnog suda može biti izabrano lice koje je diplomirani pravnik s najmanje 3 godine iskustva na pravnim poslovima i položenim pravosudnim ispitom.

Za sekretara općinskog suda može biti izabrano lice koje je diplomirani pravnik s položenim pravosudnim ispitom ili stručnim ispitom za radnike državne uprave i najmanje dvije godine radnog iskustva.

Član 99.

Sud ima stručne saradnike.

Stručni saradnici pomažu sudiji u proučavanju i pripremanju predmeta za rasprave, pretrese i referiranje, proučavanju pravnih pitanja u vezi sa radom suda u pojedinim predmetima, izradi sudske odluke, uzimaju na zapisnik tužbe, prijedloge i druge podneske i izjave stranaka i vrše samostalno ili pod nadzorom i po uputstvima sudije druge stručne poslove predviđene zakonom ili pravilnikom o unutrašnjem poslovanju redovnih sudova ili aktom o unutrašnjoj organizaciji suda.

Za stručnog saradnika u kantonalni ili općinski sud prima se odnosno raspoređuje diplomirani pravnik s položenim pravosudnim ispitom.

Član 100.

U sudovima postoji određen broj pripravnika – diplomiranih pravnika.

Broj pripravnika iz prethodnog stava utvrđuje se aktom o unutrašnjoj organizaciji.

Član 101.

Sudovi mogu primati na praksu i druga lica koja su diplomirala na pravnom fakultetu (pripravnike – volontere), ako im je ta praksa potrebna radi stručnog osposobljavanja i sticanja uslova za polaganje pravosudnog ispita.

Pripravnicima – volonterima, za vrijeme obavljanja prakse, ne pripada naknada za rad.

Broj pripravnika – volontera iz stava 1. ovog člana utvrđuje se aktom o unutrašnjoj organizaciji suda.

Prijem pripravnika vrši predsjednik suda uz prethodnu saglasnost Ministarstva pravosuđa i uprave Kantona.

Član 102.

Pripravnici – volonteri primaju se na praksu i provode ovu praksu u суду shodno odredbama koje važe za pripravnike – diplomirane pravnike.

Protiv rješenja kojim se odbija zahtjev za prijem na praksu, podnositelj zahtjeva može izjaviti žalbu Ministarstvu pravosuđa i uprave Kantona u roku od 15 (petnaest) dana.

Član 103.

Zbog teže povrede radne dužnosti predsjednik suda može rješenjem pripravniku – volonteru prekinuti dalje obavljanje prakse.

Protiv rješenja iz prethodnog stava može se izjaviti žalba Ministarstvu pravosuđa i uprave Kantona u roku od 15 (petnaest) dana.

Član 104.

Pripravnički staž u sudovima traje dvije godine.

Za vrijeme pripravničkog staža pripravnik se kroz praktičan rad na odgovarajućim poslovima i zadacima, uz stručnu pomoć i pod stručnim nadzorom predsjednika suda ili određenog sudije, osposobljava za vršenje poslova i zadataka čije je vršenje uslovljeno pravosudnim ispitom.

Pripravnički staž provodi se po programu koji utvrđuje Ministarstvo pravosuđa i uprave Kantona.

Član 105.

U sudovima postoji određeni broj radnika za obavljanje stručnih, administrativnih i tehničko-pomoćnih poslova.

Broj radnika iz stava 1. ovog člana uređuje se aktom o unutrašnjoj organizaciji.

IX - STALNI SUDSKI TUMAČI I VJEŠTACI

Član 106.

Stalni sudski tumači prevode na zahtjev suda, državnog tijela ili fizičke osobe izgovoreni ili pisani tekst s jezika u službenoj upotrebi u Kantonu na strani jezik, sa stranog jezika na jezik u službenoj upotrebi u Kantonu ili sa stranog jezika na drugi strani jezik.

Stalne sudske tumače postavlja i razrješava Ministarstvo pravosuđa i uprave Kantona po pribavljenom mišljenju odgovarajućih strukovnih organa ili organizacija.

Ministarstvo pravosuđa i uprave propisat će uslove koje moraju ispunjavati stalni sudski tumači, njihova prava i dužnosti, visinu nagrade i naknade troškova za njihov rad u roku od šest mjeseci od dana stupanja na snagu ovog zakona.

Popis stalnih sudskega tumača Ministerstvo pravosuđa i uprave objavljuje u službenom glasilu Kantona.

Član 107.

Stalni sudske vještaci pružaju sudu usluge stručnog znanja kojim sud ne raspolaže, kad je to potrebno za utvrđivanje ili razrešenje pravno relevantnih činjenica.

Član 108.

Vještačenje mogu obavljati pravna ili fizička lica.

Da bi moglo biti imenovano za vještaka, fizičko lice mora imati visoku stručnu spremu odgovarajuće struke. Izuzetno za vještaka može biti izabrano lice koje ima višu stručnu spremu.

Pravna lica mogu obavljati vještačenja samo u okviru svoje registrovane djelatnosti, pod uslovom da to obavljaju njihovi radnici koji ispunjavaju uslove predviđene za fizička lica iz stava 1. ovog člana.

Član 109.

Stalne sudske vještace - fizička lica postavlja i razrešava Ministerstvo pravosuđa i uprave Kantona.

Član 110.

Ministarstvo pravosuđa i uprave propisat će uslove koje moraju ispunjavati fizička ili pravna lica za obavljanje poslova vještačenja, te njihova prava i dužnosti, visinu nagrade i naknade troškova za njihov rad, ukoliko to posebnim propisom nije drugačije određeno, u roku od šest mjeseci od dana stupanja na snagu ovog zakona.

Član 111.

Popis fizičkih i pravnih lica koja obavljaju vještačenja objavljuje se u službenom glasilu Kantona.

X - ČUVANJE SLUŽBENE TAJNE

Član 112.

Sudije, sudije porotnici, sekretari, stručni saradnici, sudske pripravnici i ostali radnici u sudu, stalni sudske tumači i vještaci dužni su čuvati službenu tajnu koju su doznali u toku obavljanja dužnosti od svih osim odgovarajućeg osoblja suda, bez obzira na koji način su je doznali.

Pod službenom tajnom podrazumijeva se naročito:

- sve ono što je kao službena tajna određeno zakonima ili drugim propisima,
- sve ono što je kao službena tajna, odnosno poslovna tajna određeno opštim aktima pravnih lica i drugih tijela, organizacija i institucija,
- podaci i isprave posebno označene kao službena, odnosno poslovna tajna od strane državnih organa ili pravnih lica, drugih organa, organizacija ili institucija,
- podaci i isprave koje su predsjednik suda ili ovlašteni radnik suda označili kao službenu tajnu.

Član 113.

Obaveza čuvanja službene tajne za dužnosnika ili radnika suda traje i nakon prestanka rada u sudu.

Predsjednik suda može sudiju ili radnika suda oslobođiti obaveze čuvanja službene tajne ako u pojedinom slučaju za to postoje opravdani razlozi.

Za predsjednika općinskog suda odluku u smislu stava 2. ovog člana donosi predsjednik Kantonalnog suda, a za predsjednika Kantonalnog suda, sjednica sudija Kantonalnog suda.

Član 114.

Sudija ili radnik suda ne smiju neovlaštenim licima dati podatke o ličnim, porodičnim ili imovinskim prilikama građana.

Uvid u sudske spise dozvoljava sudija ili drugi radnik suda određen godišnjim rasporedom poslova licima koja na to imaju pravo po posebnom propisu.

XI - SREDSTVA ZA RAD SUDOVA

Član 115.

Sredstva za rad sudova osiguravaju se u budžetu Kantona.

Sredstva za rad sudova obuhvataju sredstva za obavljanje redovne djelatnosti (sredstva za plaće sudova i ostalih radnika, sredstva za materijalne rashode, sredstva za amortizaciju stvari i opreme i zgrada) i sredstva za posebnu namjenu.

Član 116.

Finansijsko i materijalno poslovanje sudova obavlja se na način koji važi za organe državne uprave, a finansijsko i materijalno poslovanje sa strankama na način određen zakonom i propisom koji donosi Ministarstvo pravosuđa i uprave Kantona.

Član 117.

Sudijama u istražnoj službi, kao i sudijama koji rade na poslovima prvostupanjskog krivičnog suđenja za svaku navršenu godinu rada utvrdit će se uvećani staž osiguranja i osnovna plaća u skladu sa posebnim zakonom.

U slučaju da se u nekom od sudova ne mogu popuniti sudijska mjesta, ministar pravosuđa i uprave i njegov zamjenik saglasno mogu odrediti da se u tom slučaju sudijama daju posebne pogodnosti u plaći, tako da se osnovna plaća sudije uvećava do 50%.

Član 118.

Kad korisnik sudskog pologa ne preuzme sudski polog u roku od dvije godine po pravomoćnosti rješenja kojim se određuje izdavanje pologa i korisnik poziva na preuzimanje, sud rješenjem utvrđuje prestanak prava korisnika za izručenje pologa i polog prenosi u korist budžeta Kantona.

XII - PRELAZNE I ZAVRŠNE ODREDBE

Član 119.

Kantonalni i općinski sud počinje sa radom danom imenovanja sudija.

Po usvajanju ovog zakona, Ministar pravosuđa i uprave u saglasnosti sa svojim zamjenikom će utvrditi spisak sudija i sudija porotnika Kantonalnog i općinskih sudova.

Član 120.

Sudiji i radniku suda koji ne bude ponovo imenovan za sudiju, odnosno zasnovao radni odnos, po odredbama ovog zakona, isplaćivat će se za vrijeme od šest mjeseci po prestanku sudijske dužnosti odnosno radnog odnosa, ako u tom roku ne započne s radom na drugom radnom mjestu, ne prihvati posao koji odgovara njegovoj stručnoj spremi ili ne ispuni penzionalni staž za punu penziju, plaća i druga primanja koja pripadaju sudijama ili radnicima toga, odnosno odgovarajućeg suda.

Član 121.

Predsjednik Kantonalnog i općinskih sudova donijet će u roku od 30 dana od dana imenovanja pravilnik o unutrašnjoj organizaciji navedenih sudova.

Član 122.

Do donošenja pravilnika o unutrašnjem poslovanju sudova prema odredbama ovog zakona primjenjivat će se postojeći pravilnik o unutrašnjem poslovanju redovnih sudova, ako nije u suprotnosti s ovim zakonom.

Do donošenja propisa koje donosi Ministarstvo pravosuđa i uprave Kantona primjenjivat će sa postojeći propisi, u skladu sa odredbama ovog zakona i ako nisu u suprotnosti s ovim zakonom.

Prema odredbama ovog zakona, propise za čije je donošenje ovlašteno Ministarstvo pravosuđa i uprave Kantona ili sam ministar, donijet će najkasnije u roku od šest mjeseci od dana stupanja na snagu ovog zakona.

Član 123.

Na dan početka rada Kantonalnog i općinskih sudova, svi sadašnji osnovni i viši sudovi na teritoriji Hercegovačko-neretvanskog kantona ustupit će predmete iz svoje nadležnosti utvrđene ovim zakonom u nadležnost Kantonalnom i općinskim sudovima koji su osnovani po odredbama ovog zakona.

Primopredaju predmeta iz stava 1. ovog člana te materijalno-tehničkih sredstava izvršit će predsjednici sudova i o tome sačiniti zapisnik u roku koji ne može biti duži od 30 dana od dana imenovanja sudija suda.

Primjerak zapisnika dostaviti će se Ministarstvu pravosuđa i uprave Kantona.

Ministarstvo pravosuđa i uprave izraditi će Uputstvo o primopredaji predmeta materijalno-tehničkih sredstava.

Sporove nastale oko primopredaje spisa i materijalno-tehničkih sredstava, ili primjene Uputstva iz stava 4. ovog člana rješavati će ministar pravosuđa i uprave u saglasnosti sa svojim zamjenikom.

Član 124.

Zaprimljene predmete u kojima do stupanja na snagu ovog zakona ne bude donesena prvostepena odluka preuzet će u roku od 30 dana sudovi u čiju nadležnost spadaju predmeti po odredbama ovog zakona.

Mjesno i stvarno nadležni sudovi po ranijim propisima će u predmetima iz svoje dosadašnje nadležnosti završiti istrage u predmetima u kojima su donijeli rješenje o sprovođenju istrage.

Ministar pravosuđa i uprave u saglasnosti sa svojim zamjenikom će posebnom odlukom riješiti preuzimanje arhiva sudova.

Član 125.

Dok odgovarajući organi Kantona ne donesu nove propise, svi sudovi Kantona će privremeno primjenjivati materijalne propise koji su bili na snazi u Kantonu na dan stupanja na snagu ovog zakona ukoliko nisu u suprotnosti s ovim zakonom. U svakom slučaju, prema odredbama ovog zakona privremena primjena ovih propisa može prestati kada sudovi počnu sa radom.

Član 126.

Početkom primjene ovog zakona prestaju da važe zakoni o sudovima koji su se primjenjivali na teritoriji Hercegovačko-neretvanskog kantona.

Član 127.

Ovaj zakon stupa na snagu 3. avgusta 1998. godine.

Član 128.

Ovaj zakon će se objaviti u službenom glasniku Hercegovačko-neretvanskog kantona, što neće imati uticaja na njegovo stupanje na snagu.

ZAKON O SUDU

ZA CENTRALNU ZONU GRADA MOSTARA

Član 1.

U skladu sa članom 27. Zakona o sudovima Hercegovačko-neretvanskog kantona i imajući u vidu specifičnosti Grada Mostara, ovim se osniva Sud za Centralnu zonu i druga područja koja su pod direktnom upravom organa Grada Mostara.

Član 2.

Sjedište Suda za Centralnu zonu je u Centralnoj zoni Grada Mostara.

Član 3.

Osim ako nije drugačije utvrđeno ovim zakonom, sve odredbe Zakona o sudovima Hercegovačko-neretvanskog kantona koje važe za općinske sudove podjednako važe i za Sud za Centralnu zonu.

Član 4.

Nacionalni sastav Suda za Centralnu zonu odražava ukupan nacionalni sastav stanovništva čitavog Grada Mostara prema rezultatima popisa stanovništva iz 1991. godine.

Član 5.

Ovaj zakon stupa na snagu 3.avgusta/kolovoza 1998. godine.

Član 6.

Ovaj zakon će se objaviti u službenom glasilu Hercegovačko-neretvanskog kantona, što ne utiče na njegovo stupanje na snagu.